

Allannguutissatut siunnersuut

uunga

**Uunga siunnersuut: Siusinaartumik pensionisiat pillugit Inatsisartut inatsisaata
allannngortinneqarnera pillugu Inatsisartut inatsisaat nr. xx, xx. xxx 2020-meersoq**

Aappassaanneerneqarneranut Naalakkersuisunit saqqumiunneqartoq.

§ 1-imut

1. § 1, nr. 3, atorunnaarpoq.

2. § 1, nr. 4, atorunnaarpoq.

Siunnersummut nassuaatit

Nassuaatit nalinginnaasut

Sulianik ingerlatsinermut qarasaasiakkut aaqqiissuteqarnernik ineriertortitsinermut atatillugu siunnersummut piviusunngortitsinermut atatillugu: Siusinaartumik pensionisiat pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2020-meersumi maannakkut aningaasarsiat pillugit eqqortumik naatsorsuinermut tunngatillugu ilimagineqisamik kingunerisassai arlaqartut uparuuarneqarput.

Tamanna tunngavigalugu allannguutissatut siunnersummi § 1, nr. 3, aamma § 1, nr. 4 uunga siunnersuutaasumi atorunnaarseqquneqarput: Siusinaartumik pensionisiat pillugit Inatsisartut inatsisaata allanngortinneqarnera pillugu Inatsisartut inatsisaat nr. xx, xx. xxx 2020-meersoq

Taamaalluni siusinaartumik pensionisiat pillugit Inatsisartut inatsisaanni § 19, imm 1, aamma § 19, imm 3-mi aalajangersakkat inatsimmi atuuttumiittut aalajangiusimaneqassapput aalajangersakkallu allanngortinnagit atorneqarlutik.

Siunnersummi aalajangersakkanut ataasiakkaanut nassuaatit

Nr. 1-imut

Inatsisisatut siunnersummi aalajangersakkami siusinaartumik pensionisanik qaffasinnerpaanik akuersissuteqarallarneq pillugu siusinaartumik pensionisanut ilassutitut tapiissummik taarserneqassaaq tak. §§ 15 imaluunniit 16, atorunnaarpoq.

Inuttaasumut inatsisitigut inissisimanermut aalajangersakkamik allanngortitsinissaq siunertarineqanngilaq, kisianni siusinaartumik pensionisiallit ataasiakkaat § 19 naapertorlugu akuersissutigineqavissut, tassa siusinaartumik pensionisanut qaffasinnerpaanut aningaasat amerlassusaanni aningaasat sorliit pisinnaassuseqartitaaffigineraat erseqqissaanerinnaavoq.

Siunnersut atornissaminut tulluarsagaanngitsoq erserpoq. Taamaattumik aalajangersakkap atorunnaarnissaanik allannguutissatut siunnersut saqqummiunneqarpoq.

Tassa imaappoq, pisinnaatitaaffik atuuttoq aalajangiusimaneqassaaq siusinaartumillu pensionisiallit § 19, imm. 1-imi atuuttumi piumasaqaatinik naammassinnittut siusinaartumik pensionisanik qaffasinnerpaamik suli utaqqisaannaagallartumik akuersissuteqarfigineqarsinnaapput.

Nr. 2-mut

§ 1, nr. 3-p atorunnaarnerata kingunerisaanik, taamatut aalajangersagaq manna atorunnaarpoq.